

यूहन्नाइ फ्हिबै ओंसोंबै फ्हिछ्या

फ्हिबै म्हिः प्रभु येशूजी कुल्मिंबै चेला चिब यूहन्ना ।

फ्हिबै त्हेः ई. सं. १० साल, अथवा बि. सं. १४७ साल जरे ।

फ्हिल्ल त्हुबै तांः चु फ्हिछ्यार मुख्य तां ड्हिं मुं । ओंसोंबै तां यूहन्नाइ फ्हिछ्या खेबैलाइ, “परमेश्वर नेरो खीए च्ह येशू ख्रीष्टने संगति लसि टिद्,” बिडमुं ।

अको तां, “क्हेमैए म्हाँजोर संगति तल् आपिंबै स्योलिबै तां लोमिंबैए बिरोधर न्ह क्रों मि क्रोंले टिद्!” बिसि फ्हिडमुं । च स्योलिबै तामें छाब् मुंलः “चु ह्युलर टिडबिस्याँ पाप खम् । येशू परमेश्वरए च्ह ग । छतसि खी क्होंसेंन म्हि तल् आखॉल । चु ह्युल, मिं फ्हसेमै, तोइ सैलैया वास्ता आलस्याँ मत्त्रे डचोइ मुक्ति योल् खॉम् । मुक्ति योंसेरो छ्याँबै सैं फ्ह्यारिल् आत्हु!” बिसि स्योलिबै तामें लोमिंबैइ बिम् ।

दिलेया छ आडिं । येशू ख्रीष्ट परमेश्वरए च्ह तलेया खी म्हि तसि युबइले खी क्होंसेंनबै म्हि मुंल बिसि यूहन्नाइ फ्हिडमुं । धै येशू ख्रीष्टए फिर बिश्वास लसि म्हाँया लबैइ ह्त्तों-ह्त्तोंसए न्होंर घिइ घिने सैं न्होंउँलेन् म्हाँया लसि खोंयोंन् बिलै क्हिसि टिल् त्हुम् बिसेया च ताँए बिरोधर यूहन्नाइ चु फ्हिछ्यार फ्हिडमुं ।

चु फ्हिछ्यार मुँबै तामें

ओंसोंबै ताँमैं १:१-४

परमेश्वरए चारबै ह्वेर प्रद् १:५ — २:१७

परमेश्वरए फ्हसेमै तसि छ्ह थोद् २:१८ — ३:२४

सैं न्होंउँलेन् म्हाँया लल् त्हुम् ४:१ — ५:५

बिश्वास लसिन् शैतान दुष्टए फिर ट्होब ५:६-२१

□□□□□□□□□□ □□□□□□□□ □□□□□□□ □□□□ □□□□

1 खोयोइ आखाँबै छ्ह पिबै बचन ओसों ओनोंन् मुँल। खीए बारेर डिइ थेइमुँ, डिए मिइन खीलाइ म्रोंइमुँ, डिए योइन छुइमुँ।*

2 खी चु ह्युलर मुँमा डिइ खीलाइ म्रोंल, छतसि खीए बारेर डिइ ग्वाइ पिम्। च खोयोइ आखाँबै छ्ह ओसों ओनोंन् परमेश्वर आबाने मुँल, धै तिंजोरो डचो डार म्रोंयुइ बिसि डिइ क्हेमैने बिम्।*

3 क्हेमै या डिने बालु सैं घिन् तसि प्रल् खाँरिगे बिसि डिइ थेबै ताँ नेरो म्रोंबै ताँ क्हेमैने बिम्। परमेश्वर आबा नेरो खीए च्ह येशू खीष्टने डचो सैं घिन् तसि प्रम्।

4 छतसि डचो ताँन् बेल्ले सैं तोल् योरिगे बिसि क्हेमैए ल्हागिर डिइ चु ताँ फ्हिइमुँ।

□□□□□□□□□□ □□□□□□ □□□□□□ □□□□□□

5 परमेश्वरए च्ह येशूउँइले डिइ थेबै चु ताँ डिइ क्हेमैने बिमिंमः परमेश्वर चारबै ह्वे ग, खीने तिफुँइ पाप* आरे।

6 छतसि डचोइ “परमेश्वरने सैं घिन् तसि प्रम्” बिलेया अझै पाप केन् लप्रइबिस्याँ डचोम् स्योर तेब्मैं नेरो क्होंसैन्बै घ्याँर आप्रब्मैं तम्।

7 दिलेया येशू धोंले डचो परमेश्वरए चारबै ह्वेर प्रइबिस्याँ डचोए सैं क्हिसि डचोइ घिइ-घिने म्हाँया लमुँ, धै परमेश्वरए च्ह येशूए कोजी डचोए पाप ताँन् खुमिंम्।

□□□□ □□ □□□□□□□□

☆ 1:1 1:1 □□□ □:१

☆ 1:2 1:2 □□□ □:१४

* 1:5 1:5 □□□ □□□□□□□□, मिच्छु

खैव

8 दिलेया डचोइ ह्नोंसने पाप आरे बिम् बिस्याँ, डचोइ ह्नोंसलाइन धोका पिम्, धै डचो क्हाँसेंनवै ताँ आपोंवै स्योर्गुमें तम्।

9 दिलेया खीजी फैबै बाछ्छाइ बिब् धोले परमेश्वरजी लम् धै ठिक निसाफ लम्। छ्त्तसि “डिइ पाप केमैं लइमुँ” बिसि डचोइ खी डाँइ सैं एइबिस्याँ खीजी डचोए पापमैं क्षमा लमिसि ताँन् पापउँइले खुमिम्।

10 दिलेया “डिइ पाप आलइमुँ!” बिम् बिस्याँ डचोइ परमेश्वरलाइ स्योर्गु ठदिम्, धै डचोलाइ खोंयोँइ आखाँवै छ्ह पिबै बचन डचोने आत।

2

1 ओ डए कोलोमें, क्हेमैंइ पाप आलरिगे बिसि डइ चु फ्हिछ्या फ्हिरिइमुँ। दिलेया खाबज्यै या पाप लइबिस्याँ डचोए ल्हागिर परमेश्वर आबाने क्षमा ह्मिंबै येशू ख्रीष्ट मुँ। खीजी ठिक के लम्।

2 डचोइ लबै पाप क्षमा लमिंबै ल्हागिर खीजी घ्याँ थोमिंडमुँ, डचोए पाप मत्त्रे आडिं, दिलेया ह्युलबै ताँन् म्हिमैंए पाप क्षमा लमिम्।

०००००००००००० ०००० ००० ००००००

3 परमेश्वरजी बिबै ताँ डचोइ डिंइ बिस्याँ क्हाँसेंन खीलाइ डो सेन बिसि डचोइ था सेम्।

4 “डइ परमेश्वरलाइ डो सेम्,” बिमुँ, दिलेया खीजी बिबै ताँ आडिं बिस्याँ, च म्हि स्योर्गु ग, चइ क्हाँसेंनवै ताँ तोइ आपों।

5 दिलेया परमेश्वरजी बिबै ताँ डिंबै म्हिइ क्हाँसेंन्लेन् परमेश्वरलाइ सैं न्होंउँइलेन् म्हाँया लम्। छ्त्ते डिंइबिस्याँ परमेश्वर डचोने मुँ बिसि पक्का था सेम्।

6 “ड परमेश्वरने क्हिसि टिइमुँ” बिबैंइ येशू ख्रीष्टजी धोलेन् छ्ह थोल् त्हुम्।

7 ओ डए खोवै थुमैं, चु फ्ह्रिछ्यार डइ क्हेमैंलाइ छारा ताँ तोइ आफ्ह्रिइमुँ, ओसों ओनोंन् क्हेमैंने था सेवै ताँमैंन् फ्ह्रिइमुँ। ख्रीष्टने प्रब् ओनोंन् चु ताँ क्हेमैंइ था सेल। “घ्रिइ घ्रिने सैं न्होंउँइलेन् म्हाँया लद्” बिबै चु ताँ क्हेमैंइ ओसोंन् थेइमुँ।☆

8 दिलेया चु घ्रिइ घ्रिने सैं न्होंउँइलेन् म्हाँया लल् त्हुम् बिबै ताँ ख्रीष्टए छहर नेरो क्हेमैंए छहरै या म्हिमैंइ भ्रोंल् खाँम्। छतसि क्हेमैंए ल्हागिर डइ फ्ह्रिबै ताँ छारा मुँ। तलेबिस्याँ तोगो मिछ्छु खैब ह्याल् खाँइमुँ, क्हाँसेन्बै ह्वे ओसों ओनोंन् चारइमुँ।

9 खाबइ “ड ह्वेर मुँ” बिमुँ, दिलेया ह्रोंसए बिश्वासी अलि-अडाँलाइ हेल लमुँ, च अझै मिछ्छु खैबर्न मुँ।

10 दिलेया ह्रोंसए बिश्वासी अलि-अडाँलाइ सैं न्होंउँइलेन् म्हाँया लब्मैं बिस्याँ ह्वेर टिम्, झाइले चमैं पापर आच्छोल्ले प्रल् खाँम्।

11 दिलेया ह्रोंसए बिश्वासी अलि-अडाँलाइ हेल लब्मैं मिछ्छु खैबर्न टिम्। मिछ्छु खैबइ चमैंलाइ कन लवासि चमैंए मि भ्रोंल् आखाँ, छतसि ह्रोंस खनिर ह्यारिइमुँ बिसि चमैंइ था आसे।

?????????? ?????????? ??? ?????????? ??????

12 ओ डइ खोवै कोलोमैं,
ख्रीष्टए मिउँइले क्हेमैंइ ताँन् पापए क्षमा योंइमुँ,
छतसि डइ क्हेमैंलाइ चु ताँ फ्ह्रिइमुँ।

13 ओ चिबनाँब्मैं, ओसों ओनोंन् मुँबै परमेश्वरलाइ क्हेमैंइ डो सेइमुँ,

छतसि डइ क्हेमैंलाइ चु ताँ फ्ह्रिइमुँ।
ओ फ्रेंसिमैं, क्हेमैंइ दुष्टलाइ ट्हाइमुँ,
छतसि डइ क्हेमैंलाइ चु ताँ फ्ह्रिइमुँ।

ओ डइ खोवै कोलोमैं, क्हेमैंइ परमेश्वर आबालाइ डो सेइमुँ,
छतसि डइ क्हेमैंलाइ चु ताँ फ्ह्रिइमुँ।

14 ओ चिबनाँभैं, ओंसो ओंनोन् मुँबै परमेश्वरलाइ कहेमैइ डो सेइमुँ,

छतसि डइ कहेमैलाइ चु ताँ फ़िरिइमुँ ।

ओ फ़ेसिमै, कहेमै भोब मुँ,

धै कहेमैए खोर परमेश्वरए बचन थेंइमुँ,

धै कहेमैइ दुष्टलाइ टहोइमुँ,

छतसि डइ कहेमैलाइ चु ताँ फ़िरिइमुँ ।

15 चु ह्युल नेरो ह्युलर मुँबै सैमैए म्हाँया आलद् । ह्युललाइ म्हाँया लबै म्हिइ परमेश्वरए फिर म्हाँया आल ।

16 तलेबिस्याँ चु ह्युलर मुँबै तोन्दोरि सैमै, अथवा ज्युउँइले खबै आछ्याँबै इच्छामै, लोब लब, नेरो थेब् फ़ैब, छाबै ताँ परमेश्वर आबाउँइले खब आडिं, चु ह्युलउँइले खबै आछ्याँबै सैमै ग ।

17 चु ह्युल नेरो म्हिमैइ म्हाँया लबै सैमै ताँन् नास तयाम्, दिलेया परमेश्वरए सैर मैब धोँ तबै के लभैं खोयोन् बिलै तरिम् ।

□□□□□□□□ □□□□□□□□□□□□ □□□ □□□□□ □□

18 ओ डइ खोबै कोलोमै, आखिरि त्हे तखइमुँ । कहेमैइ “आखिरि त्हेर ख्रीष्टए बिरोधी त्होँभुँ” बिबै ताँ थेल । धै तिंजोरो ख्रीष्टए बिरोधीमै त्हे त्होँइमुँ । छतमा आखिरि त्हे तखन बिसि डचोइ सेल् खाँम् ।

19 च म्हिमै डचोए संगतिउँइले त्होँइ ह्याइ, तलेबिस्याँ चमै डचोल आडिंल । चमै डचोल डिंस्याँम् डचोनेन् टिमल । दिलेया चमै ताँन् डचोल आडिं बिसि उँइबर चमै त्होँसि ह्याब ग ।

20 दिलेया कहेमैए फिर ख्रीष्टजी पबित्र फ़्ह प्लिंमिंइमुँ, छतसि कहेमै ताँनइ क्होँसेन्बै ताँ सेइमुँ ।

21 कहेमैइ क्होँसेन्बै ताँ आसेइमुँ बिसि डइ चु फ़िह्छ्या फ़िह्ब आडिं, दिलेया कहेमैइ येशूए बारेबै क्होँसेन्बै ताँ सेइमुँ । धै

कह्नोंसेन्वै ताँउँडले स्योलिबै ताँ आख बिबै या कहेमैइ था सेइमुँ ।
छतसि डइ चु प्हिछ्या प्हिब् ग ।

22 छतसि स्योर्गु खाब् जा बिस्याँ “परमेश्वरजी कुल्मिंबै
मुँ खीष्ट येशून् आडिं” बिबै म्हिमैन् स्योर्गुमै ग । छाबै म्हिमै
परमेश्वर आबा नेरो च्हलाइ तो धोँइ आड्हाँ, छतसि चमै
खीष्टए बिरोधी ग ।

23 च्हलाइ मान आलबै म्हिने आबा आटि । वरु “ड च्हलाइ सैं
पिसि मान लमुँ” बिबै म्हिए सैर आबा टिम् ।

24 छतसि कहेमैइ ओसों ओनोंन् थेबै ताँ सैं न्होर थेरिद । कहेमैइ
च ताँ सैं न्होर थेंइ बिस्याँ कहेमै च्ह नेरो आबाने घिन् तसि खोंयोन्
बिलै बालुन् टिब्मुँ ।

25 धै खीष्टजी डचोने बाछ्हा फैसि पिंम् बिबै सै खोंयोँइ आखाँबै
छह ग !

26 कहेमैलाइ भाँड्याल् म्हेभ्मैए बारेर डइ चु ताँ प्हिब् ग ।

27 दिलेया खीष्टजी ह्नोंसए पबित्र प्हजी कहेमैलाइ
प्लिंमिंडमुँ, छतसि कहेमैलाइ अरू लोमिंबै म्हि आचैदि । ताँन्
सैए बारेर खीए प्हजी कहेमैलाइ लोमिंम्, खीजी लोमिंबै ताँ
कह्नोंसेन्वै ग, स्योर आडिं । छतसि पबित्र प्हजी लोमिंबै ताँमै
डिंनु, धै छह तिगोंन् खीष्टनेन् घिन् तसि प्रद् ।

28 ओ डइ खोबै कोलोमै, खीष्ट युमा डचो भोंब तरिगे, धै खी
युबै तिहंइर खीए उँडर डचो फापिल् आत्हुरिगे बिसि खीनेन् घिन्
तसि प्रद् ।

29 खीष्टजी ठिक के मत्त्रे लम् बिब कहेमैइ सेइमुँ । छतसि ठिक
के लभ्मै ताँन् परमेश्वरए प्हसेमै ग बिसि कहेमैज्यै या सेइमुँ ।

3

???????????? ???? ???? ???? ???? ????
????

1 मैंन्दि, परमेश्वर आबाजी डचोलाइ कति थेबै म्हाँया लइमुँ। च्हाँ थेबै म्हाँया लसि खीजी डचोलाइ “ह्रोंसए फ्हसेमैँ” विइमुँ। क्हाँसेन डचो परमेश्वरए फ्हसेमैँ तइमुँ। चु ह्युलरवैँ म्हिमैँइ परमेश्वरलाइ डो आसेइमुँ, छतसि डचोलाइ “परमेश्वरए फ्हसेमैँ ग,” बिसि आसे।✧

2 डइ खोबै थुमैँ, डचो तोगो परमेश्वरए फ्हसेमैँ ग। फ्हँना लिउँइ डचो खै तम् बिसि तोगो बिल् आखाँ, दिलेया डचोइ चु ताँ घ्नि सेइमुँ: खीष्ट युबै त्तिहंइर खी खैब मुँ छाबन् खीलाइ डचोइ छेनाले म्रोंब्मुँ। छतसि च त्हेर डचो या खी धोन् तब्मुँ।

3 धै खीष्टए फिर छाबै आशा थेंब्मैँ खीष्ट पबित्र मुँब् धोले पबित्रले प्रम्।

११११ ११ ११ ११११११ १११११११

4 पाप लब्मैँइ परमेश्वरए ठिमवैँ ताँ आडिं, तलेबिस्याँ ठिमए विरोध लब पाप ग।

5 म्हिमैँए पाप त्होवाबर खीष्ट युब ग, खीने तिफुँइ पाप आरे बिब क्हेमैँइ सेइमुँ।✧

6 छतसि खीष्टने घ्निन् तसि टिरिबैँ म्हिमैँइ पाप लरिब आरे। दिलेया पाप लरिबैँ म्हिमैँइ खीलाइ खोंयोँइ आम्रोंइमुँ, डो या आसेइमुँ।

7 ओ डइ खोबै कोलोमैँ, क्हेमैँलाइ खाबज्यैँ या भाँडचाल्आखाँरिगे। प्रभु येशू खीष्ट धोले ठिक के लबैँ म्हि छ्याँबैँ सैँ फ्ह्याबैँ म्हि ग।

8 दुष्टइ ओंसों ओनोंन् पाप लइमुँ, छतसि पाप लरिबैँ म्हि दुष्टए म्हि ग। दुष्टइ लबैँ पाप केमैँ नास लवाबर परमेश्वरए च्ह ह्युलर युब ग।

9 परमेश्वरए फ्हेसेमैइ पाप केमै आल, तलेबिस्व्याँ परमेश्वरए छ्च्यौबै बानि चमैए सैन तरिम् । परमेश्वर चमैए आबा ग । छ्चतसि चमैइ पाप लरिल् आखाँ ।

10 परमेश्वरए फ्हेसेमै नेरो दुष्टए फ्हेसेमै खैले डो सेम् बिस्व्याँ, ह्हांसए बिश्वासी अलि-अडाँलाइ सै न्होंउँइलेन् म्हाँया आलभै नेरो छ्च्यौबै केमै आलबै म्हिमै परमेश्वरए फ्हेसेमै आडिं ।

222-2222222222 222 222222222222
22222222 222

11 क्हेमैइ घिइ घिने सै न्होंउँइलेन् म्हाँया लल् त्हुम् बिबै ताँ ओसों ओनोंन् थेल ।*

12 ड्चो स्योम्बै कयिन बिबै म्हि धों तब तल् आत । च दुष्टल् मुँल, छ्चतसि चइ ह्हांसए अलि सैवाइ । चइ ह्हांसए अलि तले सैवाइ बिस्व्याँ चइ लबै के आछ्च्यौब मुँल, दिलेया अलिइ लबै केमै छ्च्यौब मुँल ।*

13 ओ डए अलि-अडाँमै, ह्युलबै म्हिमैइ क्हेमैलाइ म्हि आच्छिल्ले पोमा क्हेमै अचम्मा आड्हांन् ।

14 ड्चो कालउँइले जोगेसि छ्चह योंबै क्त्ह्योर तर्दिल् खाँइमुँ बिसि ड्चोइ सेइमुँ । ड्चोइ बिश्वासी अलि-अडाँमैलाइ सै न्होंउँइलेन् म्हाँयाँ लबइले ड्चोइ चु ताँ सेइमुँ । दिलेया ह्हांसए अलि-अडाँमैलाइ म्हाँया आलभै कालए न्हों टिरिमुँ ।*

15 ह्हांसए बिश्वासी अलि-अडाँमैलाइ हेल लभै म्हिसै धोंन् तभै ग । म्हिसैमैने खोंयोँइ आखाँबै छ्चह आत बिब क्हेमैइ सेइमुँ ।

16 म्हाँया तो जा बिब ड्चोइ खैले सेइमुँ बिस्व्याँ खीष्टजी ड्चोए फिर म्हाँया लसि ड्चोए ल्हागिर खीए सो पिँइ । छ्चतसि ड्चोज्यै या ह्हांसए बिश्वासी अलि-अडाँमैए ल्हागिर ह्हांसए सो पिँल् त्हुम् ।

17 दिलेया प्लबै म्हि घ्रिइ ह्रोंसए बिश्वासी अलि-अडॉलाइ खाँचो तब् प्रोंसेया चमैए फिर सैं सारो लइ बिस्याँ, परमेश्वरए म्हाँया चने तम् रो वा?

18 ओ डइ खोबै कोलोमें, डचोइ लबै म्हाँया ताँ नेरो सुँइ पोंब मत्त्रे आडिं, योज्यै या छ्याँबै के लसि सैं न्होंउँलेन् क्हाँसेंन्बै म्हाँया लल् त्हुम् ।

□□□□□□□□□□ □□□□□□□□□□ □□□□□ □□□ □□□□□□ □□□□□
 □□□□□ □□□□□□□□□□ □□□□□□

19 छ्याँबै छ्याँबै केमै लमा डचो क्हाँसेंन्बै परमेश्वरए म्हिमै ग बिसि था सेल् खाँब्मुं । छ्त्तसि खीजी निसाफ लबै त्हिंइर डचोए सैंइ दोसिदिलेया डचो खीए उँइर रामा डचो डिहंल् आत्हु ।

20 तलेबिस्याँ परमेश्वर डचोए सैं भन्दा थेब मुँ, छ्त्तसि खीजी तोन्दोरि ताँ था सेम् ।

21 ओ डइ खोबै थुमै, डचोए सैंइ डचोलाइ आदोसिदि बिस्याँ डचो परमेश्वरए उँइर आडिहंन्ले राल् खाँम् ।

22 झाइले डचोइ खीने तो सै ह्दिलेया योंम्, तलेबिस्याँ खीजी बिबै ताँमै डचोइ डिंम्, धै खीए सैं तोन् लबै केमै डचोइ लम् ।

23 खीजी बिबै ताँ चुन् गः खीए च्ह येशू खीष्टए फिर डचोइ बिश्वास लल् त्हुम्, धै खीजी लद् बिब् धोंले घ्रिइ घ्रिने म्हाँया लल् त्हुम् ।*

24 परमेश्वरजी बिब् डिंब्मै ताँन् परमेश्वरने घ्रिन् तसि टिमुँ, धै परमेश्वर चमैने घ्रिन् तसि टिम् । परमेश्वर डचोने टिमुँ बिसि खैले सेइमुँ बिस्याँ खीजी ह्रोंसए प्ल्ह डचोलाइ पिंइमुँ ।

4

□□□□□□□□□□□□□□□□ □□□□□ □□□□□ □□□□□□□□□□
 □□□□□□

☆ 3:23 3:23 □□□ □□:३४; १५:१२,१७

8 दिलेया सैं न्होंउँडलेन् म्हाँया आलबमैइ परमेश्वरलाइ डो आसे, तलेबिस्याँ परमेश्वरजी म्हाँया लम् ।

9 परमेश्वरजी डचोए फिर कति थेबै म्हाँया लइमुँ बिस्याँ, डचोइ खीउँडले खोंयोँइ आखाँबै छ्ह योरिगे बिसि खीजी ह्रोंसए घिदे मुँबै च्हलाइ चु ह्युलर कुल्मिंड ।

10 डचोइ परमेश्वरलाइ म्हाँया लबइले आडिं, दिलेया खीजीन् डचोए फिर म्हाँया लसि डचोए पाप क्षमा लमिंबर खीजी ह्रोंसए च्ह खो तबै लहागिर कुल्मिंड ।*

11 छ्हतसि ओ डइ खोबै थुमैं, परमेश्वरजी डचोए फिर छ्ले म्हाँया लबइले डचोज्यै या घिइ घिने सैं न्होंउँडलेन् म्हाँया लल् ल्हुम् ।

12 खाबज्यै या परमेश्वरलाइ खोंयोँइ आम्रोंइमुँ,* दिलेया डचोइ घिइ घिने सैं न्होंउँडलेन् म्हाँया लइ बिस्याँ परमेश्वर डचोने घिन् तसि टिम्, धै खीए म्हाँया डचोए फिर तम् बिसि पक्का तम् ।*

13 परमेश्वरजी डचोलाइ खीए प्ल्ह पिंबइले “डचो परमेश्वरने घिन् तसि टिमुँ, धै परमेश्वर डचोने घिन् तसि टिम्” बिसि डचोइ क्ह्रोंसेन्लेन् था सेम् ।

14 परमेश्वर आबाजी खीए च्हलाइ ह्युलबै म्हिमैं जोगेबर कुल्मिंब् ग बिसि डिइ म्रोंइमुँ धै ग्वाइ पिंम् ।

15 येशून परमेश्वरए च्ह ग बिबमैं परमेश्वरने घिन् तसि टिम्, धै परमेश्वर चमैंने घिन् तसि टिम् ।

16 छ्ले परमेश्वरजी डचोए फिर म्हाँया लम् बिब् क्होसि डचोइ च म्हाँयारन भर थेंइमुँ ।

परमेश्वरजी म्हाँया लम् । छ्हतसि म्हाँया मुँबै के लबै म्हि परमेश्वरने घिन् तसि टिमुँ, धै परमेश्वर चने घिन् तसि टिम् ।

☆ 4:10 4:10 ०००००० ००:१० * 4:12 4:12 ०००००० ०० ००००००००० ०००००० ००००००००००
००००० ००००००० ०००००० ०००००० ०० ०० ००००००० ०००००० ०००००! ☆ 4:12 4:12 ००० ०:१८

17 छत्रसि निसाफ लबै त्तिंइर डचो डिहंल् आत्तुरिगे बिसि खीजी डचोए फिर क्त्तोंसेन म्हाँया लइमुं। खीष्टजी ह्युलर छह थोब् धोलेन् डचोज्यै या छह थोबइले डचो डिहंल् आत्तु।

18 परमेश्वरजी डचोलाइ म्हाँया लम्। छत्रसि डचो खीने डिहंरिल् आत्तु। डचोए फिर लबै खीए थेबै म्हाँयाजी डचोलाइ डिहंन् लबै सै खीजी स्योवाम्। छत्रसि “डइ सजै योम् उ?” बिसि अझै डिहंरिभैइ परमेश्वरए म्हाँयाए बारेर छेनाले आकहोइमुं।

19 परमेश्वरजी ओसोन् डचोए फिर म्हाँया लबइले डचोज्यै (खी नेरो डचोए बिश्वासी अलि-अडॉमैलाइ) म्हाँया लम्।

20 “डइ परमेश्वरलाइ म्हाँया लम्,” बिमुं, दिलेया त्तोंसए बिश्वासी अलि-अडॉमैए फिर म्हाँया आल बिस्याँ च म्हि स्योर्गु ग। तलेबिस्याँ त्तोंसइ म्रोंबै बिश्वासी अलि-अडॉलाइ सैं न्होंउँइलेन् म्हाँया आलबै म्हिइ खोंयोइ आम्रोंबै परमेश्वरलाइ खैले म्हाँया लल् खॉम्?

21 खीजी डचोने लद् बिबै ताँ चुन् गः परमेश्वरलाइ म्हाँया लबै म्हिइ त्तोंसए बिश्वासी अलि-अडॉमैलाज्यै या सैं न्होंउँइलेन् म्हाँया लल् त्तुम्।

5

1 “परमेश्वरजी कुल्मिंबै मुँ खीष्ट येशू ग” बिसि बिश्वास लबै म्हि परमेश्वरए फ्हेसे ग, आबालाइ म्हाँया लबै म्हिइ च्हालाज्यै सैं न्होंउँइलेन् म्हाँया लम्।

2 छत्रसि डचोइ परमेश्वरलाइ म्हाँया लसि खीजी बिबै ताँमैं डिंस्याँ डचोइ खीए फ्हेसेमैलाज्यै या सैं न्होंउँइलेन् म्हाँया लल् त्तुम्।

3 डचोइ क्त्तोंसेन्नेन् परमेश्वरलाइ म्हाँया लम् बिस्याँ खीजी बिबै ताँमैं डचोइ डिंम्। धै खीए ताँ म्हाँदिबर डचोलाइ ल्हें गारो

आरे।☆

4 तलेबिस्याँ परमेश्वरए ताँन् फ्हसेमैँइ चु ह्युलउँडैले खबै पापलाइ ट्होल् खाँम्। खैले ट्होम् बिस्याँ डचोइ परमेश्वरए फिर बिश्वास लसि ट्होब् ग।

5 “येशू ख्रीष्ट परमेश्वरए च्ह ग” बिसि बिश्वास लबै म्हिन् चु ह्युलउँडैले खबै पापलाइ ट्होल् खाँबै म्हि ग।

????? ?????????????? ?????????????? ??????? ??????????????

6 येशू ख्रीष्टजी क्युर प्ल्हूसि बप्तिस्मा किंइ, धै कूसर सिमिसि ह्हांसए को पिंइ। छतसि खी म्हि तसि ह्युलर युइ बिबै ग्वाइ पिंभैँ क्यु नेरो को ग। क्युउँडैले मत्त्रे आडिं, क्यु नेरो कोउँडैले युइ।* खीए ग्वाइ पबित्र प्ल्हज्यै या ग्वाइ पिंइमुँ, तलेबिस्याँ पबित्र प्ल्हजी स्योर आते।

7 ग्वाइ पिंभैँ सोँ मुँ:

8 पबित्र प्ल्ह, क्यु नेरो को, चुमैँ सोँइ ताँ घिलेन् खीए ग्वाइ पिंम्।†

9 म्हिमैँइ पिंबै ग्वाइ डचोइ क्वेम्। परमेश्वरजी पिंबै ग्वाइमि झन् थेब मुँ, धै परमेश्वरजीन् खीए च्हए बारेर ग्वाइ पिंइमुँ।

10 छतसि परमेश्वरए च्हए फिर बिश्वास लबै म्हिए सैँर चु ग्वाइ तम्, दिलेया परमेश्वरए फिर बिश्वास आलबै म्हिमैँइ परमेश्वरलाइ स्योर्गु ठर्दिम्, तलेबिस्याँ परमेश्वरजी खीए च्हए बारेर पिंबै ग्वाइ चमैँइ आक्वैँ।

11 परमेश्वरजी पिंबै ग्वाइ चुन् ग: खीजी डचोलाइ खोंयोँइ आखाँबै छ्ह पिंइमुँ, धै च छ्ह खीए च्हउँडैले डचोइ योँम्।☆

☆ 5:3 5:3 000 00:१५ * 5:6 5:6 00000 0000 000000000 000 00-कोइ स्योर ताँ लोमिंभैँइ “येशू म्हि तसि बप्तिस्मा किंइ, दिलेया कूसर आसि,” बिल। यूहन्नाइ चु ताँ थोसि, “क्यु नेरो कोइ ग्वाइ पिंम्। येशू म्हि तसि क्युर बप्तिस्मा किंइ, झाइले कूसरे या च्योसि को बगेइ,” बिम्। † 5:8 5:8 000000 0000 000 000000000 000 000000 000000 000 000 000000 00000000, मोशाइ प्ल्हिबै ठिम्र बिब् धोले म्हि डिहं सोँए ग्वाइ किह्इबिस्याँ च ताँ क्होँसेन्बै तमुँ (व्य १७:६)। ☆ 5:11 5:11 000 0:३६

12 खाब्ने परमेश्वरए च्ह टिमुँ, चइ च छ्ह योंइमुँ, दिलेया खाब्ने परमेश्वरए च्ह आटि, चइ खोंयोँइ आखाँबै छ्ह आयों।

????????? ?????????? ????

13 ओ, परमेश्वरए च्हए फिर बिश्वास लबमैँ! क्हेमैँइ खोंयोँइ आखाँबै छ्ह योंइमुँ बिसि पक्का था सेरिगे बिसि डइ चु फ्हिछ्या क्हेमैँलाइ फ्हिब् ग।

14 झाइले खीए सैर मैब् धोले डचोइ खीने तो हिलेया खीजी डचोए ताँ थेमिंम् बिब् सेसि डचो खीए उँइर तोइ आड्हाँन्ले ह्याल् खाँम्।

15 डचोइ खीने प्राथना लसि तो सै हिलेया खीजी डचोए ताँ थेमिंम् बिब् डचोइ सेइमुँ। छ्तसि डचोइ खीने तो हिलेया डचोइ योंइमुँ बिबै या सेइमुँ।

16 खाबज्यै या ह्त्तोंसए बिश्वासी अलि-अडाँइ पाप लरिब् म्रोंस्याँ, चइ लबै पाप केमैँ नर्गर्न ह्याल् त्हुबै खालबैः आडिंस्याँ, च अलि-अडाँए ल्हागिर चइ प्राथना लल् त्हुम्, धै नर्गर्न ह्याल् त्हुबै खालबै पाप आलबै म्हिलाइ परमेश्वरजी खोंयोँइ आखाँबै छ्ह पिंब्मुँ। दिलेया नर्गर्न ह्याल् त्हुबै खालबै पाप या मुँ। छाबै पाप केमैँ लबै म्हिए ल्हागिर बिस्याँ परमेश्वरने प्राथना लमिंरिगे बिसि डइ आबि।

17 ताँन् आछ्याँबै केमैँ पाप ग, दिलेया को-कोइ पापमैँ नर्गर्न ह्याल् त्हुबै खालबै आत।

18 परमेश्वरए फ्हेसेमैँ खाबज्यै खोंयोँइ पाप लरिब् आरे बिसि डचोइ सेइमुँ, तलेबिस्याँ परमेश्वरए च्हजी चलाइ जोगेथेम्, छ्तसि दुष्टइ चलाइ छुइल् आखाँ।

19 डचोइ चु ताँ या सेइमुँ: चु ह्युलबैँ म्हिमैँ दुष्टए न्होर मुँ, डचो बिस्याँ परमेश्वरए म्हिमैँ ग।

20 क्ह्रोसॅन्बै परमेश्वरलाइ डचोइ डो सेरिगे बिसि खीए च्ह युसि डचोइ खीलाइ डो सेबै ज्ञान पिंब डचोइ सेइमुं। झाइले डचो क्ह्रोसॅन्बै परमेश्वरए च्ह येशू ख्रीष्टने घिन् तसि क्ह्रोसॅन्बै परमेश्वरने घिन् तम् बिसे या सेइमुं। क्ह्रोसॅन्बै परमेश्वर खीन् ग धै खीउँले खोयोँइ आखाँबै छ्ह योँम्§।

21 ओ डए कोलोमै, कु पूजा आलद्।

§ 5:20 5:20 क्ह्रोसॅन्बै परमेश्वरलाइ डचोइ डो सेरिगे बिसि खीए च्ह युसि डचोइ खीलाइ डो सेबै ज्ञान पिंब डचोइ सेइमुं। झाइले डचो क्ह्रोसॅन्बै परमेश्वरए च्ह येशू ख्रीष्टने घिन् तसि क्ह्रोसॅन्बै परमेश्वरने घिन् तम् बिसे या सेइमुं। क्ह्रोसॅन्बै परमेश्वर खीन् ग धै खीउँले खोयोँइ आखाँबै छ्ह योँम्।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514